

aliquando Adam ille concluserat: sicut et igneo gladio paradisus fuerat conclusus. Spíritus sanctus testimónium pérhibet: similia namque sibi ipsa concúrrunt. De cœlo testimónium deférunt: inde enim erat ille, cui testimónium perhibétur.

R. Magi véniant ab Oriénte Jerosólymam quæréntes, et dicéntes: Ubi est qui natus est, cujus stellam vídimus? * Et vénimus adorare Dóminum. **V.** Vídimus stellam ejus in Oriénte. Et vénimus adorare Dóminum. Glória Patri, et Fílio, et Spirítui sancto. Et vénimus adorare Dóminus.

IN III. NOCTURNO.

Léctio sancti Evangélii secún-
dum Joánnem.

Lectio vii. Cap. 1. d.

In illo tempore: Vedit Joánnes Jesum veniéntem ad se, et ait: Ecce Agnus Dei, ecce qui tollit peccátum mundi. Et réliqua.

Homilía S. Augustíni Episcopi.

Tractat. 6. in Joann. ante med.

ANTEQUAM veníret Dóminus ut baptizaretur a Joánni in Jordáne, nóverat eum illis vócibus, ubi ait: Tu ad me venis baptizári? ego a te débeo baptizári. Sed ecce Dóminum nóverat, nóverat Fílium Dei. Unde probámus quod jam nóverat, quia ipse baptizáret in Spíritu sancto? Antequam ve-
níret ad flúvium, cum multi ad Joánnem cùrrent baptizári, ait illis: Ego quidem baptízo vos in aqua: qui autem post me venit, major me est, cujus non sum dignus corrigiam calceaméti sólvere: ipse vos baptizábit in Spíritu sancto et igni. Jam et hoc nóverat.

R. Stella, quam viderant Magi in Oriénte, antecedébat eos, do-
nec venírent ad locum, ubi puer
erat. * Vidéntes autem eam, ga-
vísi sunt gáudio magno. **V.** Et in-
trantes domum, invenérunt púe-

rum cum María matre ejus, et procidéntes adoravérunt eum. Vidéntes autem eam, gavísi sunt gáudio magno.

Lectio viij.

QUID ergo per colúmbam dídicit, ne mendax póstea inveniátur (quod avértat a nobis Deus opinári) nisi quamdam proprietátem in Christo talem futúram, ut quamvis multi ministri baptizatúri essent, sive justi, sive injústi, non tribuerétur sánctitas baptísmi, nisi illi, super quem descéndit colúmba, de quo dictum est: Hic est qui baptízat in Spíritu sancto? Petrus baptízet, hic est qui baptízat: Paulus baptízet, hic est qui baptízat: Judas baptízet, hic est qui baptízat. Nam si pro diversitaté meritórum baptísma sanctum est: quia divérsa sunt mérita, divérsa erunt baptísma: et tanto quisque áiquid melius putátur accípere, quanto a melióre vidétur accepisse.

R. Vidéntes stellam Magi, gavísi sunt gáudio magno: * Et intrántes domum, invenérunt púerum cum María matre ejus, et procidéntes adoravérunt eum. * Et apértis thesáuris suis obtulérunt ei múnera, aurum, thus, et myrrham. **f.** Stella, quam víderant Magi in Oriénte, antecedébat eos, usque dum véniens staret supra ubi erat puer. Et intrántes domum, invenérunt púerum cum María matre ejus, et procidéntes adoravérunt eum. Glória Patri, et Filio, et Spirítui sancto. Et apértis thesáuris suis obtulérunt ei múnera, aurum, thus et myrrham.

Lectio ix.

IPSI sancti, (intelligite fratres) boni pertinéntes ad colúmbam pertinéntes ad sortem civitatis illíus Jerúsalem, ipsi boni in Ecclésia, de quibus dicit Apóstolus: Novit Dóminus qui sunt ejus: diversarum gratiarum sunt, non